

周 禮



口 12
3095
1-10

12
3095
1

駿河安水隈
醫學博士
西島
藥品圖書
印章

周禮序

唐朝散大夫行太學博士弘文館學士賈公彥撰

夫天育蒸民無主則亂立君治亂事資賢輔但天皇地皇之日無事安民降自燧皇方有臣矣是以易通卦驗云天地成位君臣道生君有五期輔有三名註云三名公卿大夫又云燧皇始出握機矩表計寅其刻日蒼牙通靈昌之成孔演命明道經註云拒燧皇謂人皇在伏羲前風姓始王天下者斗機云所謂人皇九頭兄弟九人別長九州者也是政教君臣起自人皇之世至伏羲因之故文耀鉤云伏羲作易名官者也又案論語撰考云黃帝受地形象

周禮

序

永懷堂

新定
三
年
月
日
印章

446

天文以制官伏羲已前雖有三名未必具立官位至黃帝名位乃具是以春秋緯命曆序云有九頭紀時有臣無官位尊卑之別燧皇伏羲既有官則其間九皇六十四民有官明矣但無文字以知其官號也案左傳昭十七年云秋郟子來朝公與之宴昭子問焉曰少皞氏鳥名官何故也杜氏註云少皞金天氏黃帝之子已姓之祖也郟子曰吾祖也我知之管者黃帝氏以雲紀故爲雲師而雲名註云黃帝軒轅氏姬姓之祖也黃帝受命有雲瑞故以雲紀事百官師長皆以雲爲名號縉雲氏蓋其一官也炎帝氏以火紀故爲火師而火名註云炎帝神農氏姜姓之祖也亦有火瑞以火

紀事名百官也共工氏以水紀故爲水師而水名註云共工以諸侯霸有九州者在神農前大皞後亦受水瑞以水名官也大皞氏以龍紀故爲龍師而龍名註云大皞伏羲氏風姓之祖也有龍瑞故以龍命官也我高祖少皞摯之立也鳳鳥適至故紀於鳥故爲鳥師而鳥名又云鳳鳥氏歷正之類又以五鳥五鳩九扈五雉並爲官長亦皆有屬官但無文以言之若然則自上以來所云官者皆是官長故皆云師以目之又云自顓頊以來不能紀遠乃紀於近是以少皞以前天下之號象其德百官之號象其徵顓頊以來天下之號因其地百官之號因其事事卽司徒司馬之類是也若

然前少皞氏言祝鳩氏爲司徒者本名祝鳩言司徒者以後代官
況之自少皞以上官數略如上說顓頊及堯官數雖無明說可略
而言之矣案昭二十九年魏獻子曰社稷五祀誰氏之五官蔡墨
對曰少皞氏有四叔曰重曰該曰修曰熙實能金木及水使重爲
句芒該爲蓐收修及熙爲玄冥世不失職遂濟窮桑此其三祀也
註云窮桑帝少皞之號也顓頊氏有子曰犁爲祝融共工氏有子
曰句龍爲后土此其二祀也后土爲社稷田正也有烈山氏之子
曰柱爲稷自夏以上祀之周棄亦爲稷自商以來祀之故外傳犁
爲高辛氏之火正此皆顓頊時之官也案鄭語云重犁爲高辛氏

火正故堯典註高辛氏之世命重爲南正司天犁爲火正司地以
高辛與顓頊相繼無隔故重犁事顓頊又事高辛若稷契與禹事
堯又事舜是以昭十七年服註顓頊之下云春官爲木正夏官爲
火正秋官爲金正冬官爲水正中官爲土正高辛氏因之故傳云
遂濟窮桑窮桑顓頊所居是度顓頊至高辛也若然高辛時之官
唯有重犁及春之木正之等不見更有餘官也至於堯舜官號稍
改楚語云堯復育重犁之後重犁之後卽羲和也是以堯典云乃
命羲和註云高辛之世命重爲南正司天犁爲火正司地堯育重
犁之後羲和氏之子賢者使掌舊職天地之官亦紀於近命以

民事其時官名蓋曰稷司徒是天官稷也地官司徒也又云分命
羲仲申命羲叔分命和仲申命和叔使分主四方註仲叔亦羲和
之子堯既分陰陽四時又命四子爲之官掌四時者字曰仲叔則
掌天地者其曰伯乎是有六官案下驩堯曰共工註共工水官也
至下舜求百揆禹讓稷契暨咎繇帝曰棄黎民阻饑汝后稷播時
百穀註稷棄也初堯天官爲稷又云帝曰契百姓不親汝作司徒
又云帝曰咎繇汝作士此三官是堯時事舜因禹讓述其前功下
文云舜命伯夷爲秩宗舜時官也以先後參之唯無夏官之名以
餘官約之夏傳云司馬在前又後代況之則羲叔爲夏官是司馬

也故分命仲叔註云官名蓋春爲秩宗夏爲司馬秋爲士冬爲共
工通稷與司徒是六官之名見也鄭玄分陰陽爲四時者非謂時
無四時官始分陰陽爲四時但分高辛時重犁之天地官使兼主
四時耳而云仲叔故云掌天地者其曰伯乎若然堯典云伯禹作
司空四時官不數之者鄭云初堯冬官爲共工舜舉禹治水堯知
其有聖德必成功故改命司空以官名寵異之非常官也至禹登
百揆之任捨司空之職爲共工與虞故曰垂作共工益作朕虞是
也案堯典又云帝曰疇咨若時登庸鄭註云堯末時羲和之子皆
死庶績多闕而官廢當此之時驩堯共工更相薦舉下又云帝曰

四岳湯湯洪水有能俾又鄭云四岳四時之官主四岳之事始羲和之時主四岳者謂之四伯至其死分岳事置八伯皆王官共八伯唯驩堯共工放齊骸四人而已其餘四人無文可知案周官云唐虞稽古建官惟百內有百揆四岳則四岳之外更有百揆之官者但堯初天官爲稷至堯試舜天官之任謂之百揆舜卽真之後命禹爲之卽天官也案尚書傳云惟元祀巡狩四岳八伯註云舜格文祖之年堯始以羲和爲六卿春夏秋冬者并掌方岳之事是爲四岳出則爲伯其後稍死驩堯共工求代乃置八伯元祀者除堯喪舜卽真之年九州言八伯者據畿外八州鄭云畿內不置伯

鄉遂之吏主之案明堂位云有虞氏官五十夏后氏官百殷二百周三百鄭註云有虞氏官蓋六十夏百二十殷二百四十周三百六十不得如此記也昏義云三公九卿二十七大夫八十一元士鄭云蓋夏制依此差限故不從記文但虞官六十唐則未聞堯舜道同或皆六十并屬官言之則皆有百故成王周官云唐虞建官惟百也若然自高陽已前官名略言於上至於帝嚳官號略依高陽不可具悉其唐虞之官惟四岳百揆與六卿又堯典有典樂納言之職至於餘官未聞其號夏官百有二十公卿大夫元士具列其數殷官一百四十雖未具顯案下曲禮云六大五官六府六工

之等鄭皆云殷法至於屬官之號亦茂云焉案昏義云三公九卿者六卿并三孤而言九其三公又下兼六卿故書傳云司徒公司空別有芮伯爲司徒彤伯爲宗伯衛侯爲司寇則周時三公各兼一卿之職與古異矣但周監二代郁郁乎文所以象天立官而官益備此卽官號沿革粗而言也

序周禮廢興

周公制禮之日禮教興行後至幽王禮儀紛亂故孔子云諸侯專行征伐十世希不失鄭註云亦謂幽王之後也故晉侯趙簡子見儀皆謂之禮孟僖子又不識其儀也至於孔子更修而定之時已不具故儀禮註云後世衰微幽厲尤甚禮樂之書稍稍廢棄孔子曰吾自衛反於魯然後樂正雅頌各得其所謂當時在者而復重雜亂者也惡能存其亡者乎至孔子卒後復更散亂故藝文志云魯仲尼沒微言絕七十一弟子喪而大義乖諸子之書紛然散亂至秦患之乃燔滅文章以愚黔首又云禮經三百威儀三千及周

之衰諸侯將踰法度惡其周亡滅去其籍自孔子時而不具至秦
大壞漢興至高堂生博士傳十七篇孝宣世后倉最明禮戴德戴
聖慶普皆其弟子三家立于學官案儒林傳漢興高堂生傳禮十
七篇而魯徐生善爲容孝文時徐生以容爲禮官大夫而瑕丘蕭
奮以禮至淮揚太守孟卿東海人也事蕭奮以授后倉后倉說禮
數萬言號曰后氏曲臺記授戴德戴聖鄭云五傳弟子則高堂生
蕭奮孟卿后倉戴德戴聖是爲五也此所傳者謂十七篇卽儀禮
也周官孝武之時始出秘而不傳周禮後出者以其始皇特惡之
故也是以馬融傳云秦自孝公已下用商君之法其政酷烈與周

官相反故始皇禁挾書特疾惡欲絕滅之搜求焚燒之獨悉是以
隱藏百年孝武帝始除挾書之律開獻書之路旣出於山巖屋壁
復入于秘府五家之儒莫得見焉至孝成皇帝達才通人劉向子
歆校理秘書始得列序著于錄略然亡其冬官一篇以考工記足
之時衆儒並出共排以爲非是唯歆獨識其年尚幼務在廣覽博
觀又多銳精于春秋末年乃知其周公致太平之迹迹具在斯奈
遭天下倉卒兵革並起疾疫喪荒弟子死喪徒有里人河南緱氏
杜子春尚在永平之初年且九十家于南山能通其讀頗識其說
鄭衆賈逵往受業焉衆逵洪雅博聞又以經書記轉相證明爲解

遠解行於世衆解不行兼攬二家爲備多所遺闕然衆時所解說
近得其實獨以書序言成王既黜殷命還歸在豐作周官則此周
官也失之矣達以爲六鄉大夫則冢宰以下及六遂爲十五萬家
緡千里之地甚謬焉此比多多吾甚閱之久矣六鄉之人實居四
同地故云緡千里之地者誤矣又六鄉大夫冢宰以下所非者不
著又云多多者如此解不著者多又云至六十爲武都守郡小少
事乃述平生之志著易尚書詩禮傳皆訖惟念前業未畢者唯周
官年六十有六日瞑意倦自力補之謂之周官傳也案藝文志云
成帝時以書頗散亡使謁者陳農求遺書于天下詔光祿大夫劉

向校書經傳諸子詩賦向輒條其篇目撮其指意錄而奏之會向
卒哀帝復使向子歆卒父業歆於是總羣書奏其七略故有六藝
七略之屬歆之錄在於哀帝之時不審馬融何云至孝成皇帝命
劉向子歆考理秘書始得列序著於錄略者成帝之時蓋劉向父
子並被帝命至向卒哀帝命歆卒父所修者故今文乖理則是也
故鄭玄序云世祖以來通人達士大中大夫鄭少贛名興及子大
司農仲師名衆故議郎衛次仲侍中賈君景伯南郡太守馬季長
皆作周禮解詁又云玄竊觀二三君子之文章顧省竹帛之浮辭
其所變易灼然如晦之見明其所彌縫奄然如合符復析斯可謂

唐禮 卷之九
雅達廣攬者也然猶有參錯同事相違則就其原文字之聲類考訓詁摭秘逸謂二鄭者同宗之大儒明理于典籍猶識皇祖大經周官之義存古字發疑正讀亦信多善徒寡且約用不顯傳于世今讚而辨之庶成此家世所訓也○其名周禮爲尚書周官者周天子之官也書序曰成王既黜殷命滅淮夷還歸在豐作周官是言蓋失之矣案尚書盤庚康誥說命泰誓之屬三篇序皆云某作若干篇今多者不過三千言又書之所作據時事爲辭君臣相誥命之語作周官之時周公又作立政上下之別正有一篇周禮乃六篇文異數萬終始辭句非書之類難以屬之時有若茲焉得從

諸又云斯道也文武所以綱紀周國君臨天下周公定之致隆平龍鳳之瑞然則周禮起於成帝劉歆而成于鄭玄附離之者大半故林孝存以爲武帝知周官末世瀆亂不驗之書故作十論七難以排棄之何休亦以爲六國陰謀之書唯有鄭玄徧覽羣經知周禮者乃周公致太平之迹故能答林碩之論難使周禮義得條通故鄭氏傳曰玄以爲括囊大典網羅衆家是以周禮大行後王之法易曰神而化之存乎其人此之謂也

卷一	天官冢宰第一	經一條	冢宰治官之屬	大宰至夏采凡六十三
卷二	冢宰治官之職	大宰		
卷三				

周禮目錄

卷一

天官冢宰第一

經一條

冢宰治官之屬

大宰至夏采凡六十三

卷二

冢宰治官之職

大宰

卷三

冢宰治官之職

小宰

宰夫

宮正

宮伯

卷四

冢宰治官之職

膳夫

庖人

內饗

外饗

亨人

甸師

獸人

甸人

鼈人

腊人

卷五

冢宰治官之職

醫師

食醫

疾醫

瘍醫

獸醫

酒正

酒人

漿人

凌人

籩人

卷六

冢宰治官之職

醢人

醢人

鹽人

幕人

宮人

掌舍

幕人

掌次

大府

玉府

內府

外府

司會

卷七

冢宰治官之職

司書

職內

職歲

職幣

司裘

掌皮

內宰

內小臣

閹人

寺人

內豎

九嬪

卷八

冢宰治官之職

世婦

女御

女祝

女史

典婦功

典絲

典泉

內司服

縫人

染人

追司

履人

夏采

卷九

地官司徒第二

經一條

司徒教官之屬

大司徒至豪人凡七十九

卷十

司徒教官之職

大司徒

卷十一

司徒教官之職

小司徒

鄉師

卷十二

司徒教官之職

鄉大夫

鄉老附

州長

黨正

族師

閭胥

比長

封人

鼓人

舞師

卷十三

司徒教官之職

牧人

牛人

充人

載師

閭師

縣師

遺人

卷十四

司徒教官之職

均人

師氏

保氏

司諫

司救

調人

媒氏

司市

卷十五

司徒教官之職

質人

廛人

胥師

賈師

司覈

司稽

胥

肆長

泉府

司門

司關

掌節

遂人

遂師

遂大夫

縣正

鄙師

鄼長

里宰

鄰長

卷十六

司徒教官之職

旅師

稍人

委人

土均

草人

稻人

土訓

誦訓

山虞

林衡

川衡

澤虞

迹人

巾人

角人

羽人

掌葛

掌染草

掌炭

掌茶

掌蜃

圉人

場人

廩人

舍人

倉人

司祿

司稼

春人

饌人

豪人

卷十七

春官宗伯第三

經一條

宗伯禮官之屬

大宗伯至家宗人凡六十九

卷十八

宗伯禮官之職

大宗伯

卷十九

宗伯禮官之職

小宗伯

肆師

鬱人

鬯人

卷二十

宗伯禮官之職

雞人

司尊彝

司几筵

天府

典瑞

卷二十一

典

人

宗伯禮官之職

典命

司服

典祀

守祧

世婦

內宗

宗外宗

卷二十二

宗伯禮官之職

冢人

墓大夫

職喪

大司樂

卷二十三

宗伯禮官之職

樂師 大胥 小胥

大師 小師 瞽矇

宗眡瞭 典同

卷二十四

宗伯禮官之職

磬師 鐘師 笙師

搏師 鞀師 旄人

宗籥師 籥章 鞀鞀氏

典庸器 司干 大卜

卜師 龜人 巫氏

占人 筮人 典巫

卷二十五

宗伯禮官之職

占夢 眡禋 大祝

小祝 小史 大司馬

卷二十六

宗伯禮官之職

喪祝

甸祝

詛祝

司巫

男巫

女巫

大史

小史

馮相氏

保章氏

內史

外史

卷二十七

宗伯禮官之職

御史

巾車

典路

車僕

司常

都宗人

家宗人

卷二十八

夏官司馬第四

經一條

司馬政官之屬

大司馬至家司馬凡七十

卷二十九

司馬政官之職

大司馬

卷三十

司馬政官之職

周禮

目錄

九

永懷堂

小司馬 軍司馬 輿司馬

行司馬 司勳 馬質

量人 小子 羊人

司燿 掌固 司險

掌疆 候人 環人

挈壺氏 射人 服不氏

射鳥氏 羅氏 掌畜

卷三十一

司馬政官之職

司士	諸子	司右
虎賁氏	旅賁氏	節服氏
方相氏	大僕	小臣
祭僕	御僕	隸僕

卷三十二

司馬政官之職

弁師	司甲	司兵
司戈盾	司弓矢	繕人
豪人	戎右	齊右

道右

大馭

戎僕

齊僕

道僕

田僕

馭夫

卷三十三

司馬政官之職

校人

趣馬

巫馬

牧師

廋人

圉師

圉人

職方氏

土方氏

懷方氏

合方氏

訓方氏

形方氏

山師

川師

籙師

匡人

擇人

都司馬

家司馬

卷三十四

秋官司寇第五

經一條

司寇刑官之屬

大司寇至家士凡六十六

司寇刑官之職

大司寇

卷三十五

司寇刑官之職

小司寇

士師

鄉士

遂士

縣士

方士

訝士

朝士

司民

卷三十六

司寇刑官之職

司刑

司刺

司約

司盟

職金

司厲

卷三十七

司寇刑官之職

犬人

司圜

掌囚

掌戮

司隸

罪隸

蠻隸

閩隸

夷隸

貉隸

布憲

禁殺戮

禁暴氏

野廬氏

蜡氏

雍氏

萍氏

司寤氏

司烜氏

條狼氏

修閭氏

冥氏

庶氏

穴氏

翬氏

柞氏

雍氏

摯族氏

翦氏

赤友氏

蜩氏

壺涿氏

庭氏

銜枚氏

伊耆氏

大行人

小行人

卷三十八

司寇刑官之職

司儀

行夫

環人

象胥

掌客

掌訝

掌交

掌察

掌貨賄

朝大夫

都則

都士

家士

卷三十九

冬官考工記第六

經一條

考工記之職 輪人至弓人凡三十

輪人

輿人

卷四十

考工記之職

輶人

築氏

冶氏

桃氏

鳧氏

臬氏

段氏

函人

鮑人

鞞人

韋氏

裘氏

畫績

鍾氏

篋人

幌氏

卷四十一

考工記之職

玉人

柳人

雕人

磬氏

矢人

陶人

旒人

梓人

廬人

匠人

卷四十二

考工記之職

匠人

車人

弓人

周禮目錄

畢

卷一	天官冢宰
卷二	地官司徒
卷三	春官大司馬
卷四	夏官大司馬
卷五	秋官司馬
卷六	冬官司馬
卷七	大司馬
卷八	大司馬
卷九	大司馬
卷十	大司馬
卷十一	大司馬
卷十二	大司馬
卷十三	大司馬
卷十四	大司馬
卷十五	大司馬
卷十六	大司馬
卷十七	大司馬
卷十八	大司馬
卷十九	大司馬
卷二十	大司馬
卷二十一	大司馬
卷二十二	大司馬
卷二十三	大司馬
卷二十四	大司馬
卷二十五	大司馬
卷二十六	大司馬
卷二十七	大司馬
卷二十八	大司馬
卷二十九	大司馬
卷三十	大司馬
卷三十一	大司馬
卷三十二	大司馬
卷三十三	大司馬
卷三十四	大司馬
卷三十五	大司馬
卷三十六	大司馬
卷三十七	大司馬
卷三十八	大司馬
卷三十九	大司馬
卷四十	大司馬
卷四十一	大司馬
卷四十二	大司馬
卷四十三	大司馬
卷四十四	大司馬
卷四十五	大司馬
卷四十六	大司馬
卷四十七	大司馬
卷四十八	大司馬
卷四十九	大司馬
卷五十	大司馬
卷五十一	大司馬
卷五十二	大司馬
卷五十三	大司馬
卷五十四	大司馬
卷五十五	大司馬
卷五十六	大司馬
卷五十七	大司馬
卷五十八	大司馬
卷五十九	大司馬
卷六十	大司馬
卷六十一	大司馬
卷六十二	大司馬
卷六十三	大司馬
卷六十四	大司馬
卷六十五	大司馬
卷六十六	大司馬
卷六十七	大司馬
卷六十八	大司馬
卷六十九	大司馬
卷七十	大司馬
卷七十一	大司馬
卷七十二	大司馬
卷七十三	大司馬
卷七十四	大司馬
卷七十五	大司馬
卷七十六	大司馬
卷七十七	大司馬
卷七十八	大司馬
卷七十九	大司馬
卷八十	大司馬
卷八十一	大司馬
卷八十二	大司馬
卷八十三	大司馬
卷八十四	大司馬
卷八十五	大司馬
卷八十六	大司馬
卷八十七	大司馬
卷八十八	大司馬
卷八十九	大司馬
卷九十	大司馬
卷九十一	大司馬
卷九十二	大司馬
卷九十三	大司馬
卷九十四	大司馬
卷九十五	大司馬
卷九十六	大司馬
卷九十七	大司馬
卷九十八	大司馬
卷九十九	大司馬
卷一百	大司馬

周禮卷一

漢大司農北海鄭玄註

皇明後學東吳金蟠訂

天官冢宰第一

惟王建國辨方正位體國經野設官分職以為民極

建、立也。周公居攝而作六典之職，謂之周禮。營邑於土中，七年致政成王，以此禮授之，使居雒邑治天下。司徒職曰：日至之景，尺有五寸，謂之地中。天地之所合也。四時之所交也。風雨之所會也。陰陽之所和也。然則百物阜安，乃建王國焉。辨別也。鄭司農云：別四方，正君臣之位。君南面，臣北面之屬。玄謂考工、匠人建國水地以縣，置槩以縣，視以景為規，識日出之景與日入之景。畫參諸日中之景，夜考之極星，以正朝夕。是別四方。召誥曰：越三日戊申，太保朝至於雒，卜宅，厥既得卜，則經營。越三日庚

周禮

卷一

冢宰治官之屬

一

永懷堂

成太保乃以庶殷攻位於維汭越五日甲寅位成正位謂此定宮廟體猶分也經謂為之里數鄭司農云營國方九里國中九經九緯左祖右社面朝後市野則九夫為井四井為邑之屬是也鄭司農云置冢宰司徒宗伯司馬司寇司空各有所職而百事舉極中也今天下之人各得其中不失其所○縣音玄槩魚列反

乃立天官冢宰使帥其屬而掌邦治以佐王均邦國

掌主也邦治王所以治邦國也佐猶助也鄭司農云邦治謂總六官之職也故大宰職曰掌建邦之六典以佐王治邦國六官皆總屬於冢宰故論語曰君薨百官總已以聽於冢宰言冢宰於百官無所不主爾雅曰冢大也冢宰大宰也鄭云宰主也于云濟其清濁和其剛柔而納之中

和曰宰○大宰音泰注及後放此

治官之屬大宰卿一人小宰中大夫二人宰夫下大夫四人上士八人中士十有六人旅下士三十有二人

變冢言大進退異名也百官總焉則謂之冢列職於王則稱大冢大之上也山頂曰冢旅衆也下士治衆事者自大宰至旅下士轉相副貳皆王臣也王之卿六命其大夫四命士以三命而下為差

府六人史十有二人

府治藏史掌書者凡府史皆其官長所自辟除

胥十有二人徒百有二十人

此民給僱役者若今衛士矣胥讀如諧謂其有才知為什長○僱音遙諧思敘反

宮正上士二人中士四人下士八人府二人史四人胥四人徒四十一人

正長也宮正主宮中官之長曰宮正此以下鄭總列六十職序于註則各於其職前列之

周禮

卷一

冢宰治官之屬

七

承襲堂

宮伯中士二人下士四人府一人史二人胥二人徒二十人

伯長也

膳夫上士二人中士四人下士八人府二人史四人胥十有二人徒百有二十人

膳之言善也今時美物曰珍膳膳夫食官之長也鄭司農以詩說之曰仲允膳夫

庖人中士四人下士八人府二人史四人賈八人胥四人徒四十人

庖之言苞也裹肉曰苞其賈主市買知物賈○賈八人音古劉音嫁下放此裹音果其子餘反物賈音嫁

內饗中士四人下士八人府二人史四人胥十人徒百人

饗割亨煎和之稱內饗所主在內○亨普庚反稱尺證反

外饗中士四人下士八人府二人史四人胥十人徒百人

外饗所主在外

亨人下士四人府一人史二人胥五人徒五十人

主為外內饗煮肉者○亨普庚反為于僞反

甸師下士二人府一人史二人胥三十人徒三百人

郊外曰甸師猶長也甸師主共野物官之長○甸田遍反共音恭下皆同

獸人中士四人下士八人府二人史四人胥四人徒四十人

廩人中士二人下士四人府二人史四人胥三十人徒三百人

甸禮

卷一冢宰治官之屬

三

天壤堂

○獻音魚本又作魚亦作獻同又音御

鼈人下士四人。府二人。史二人。徒十有六人。

○鼈必列反

腊人下士四人。府二人。史二人。徒二十人。

腊之言夕也。○腊音昔

醫師上士二人。下士四人。府二人。史二人。徒二十人。

醫師衆醫之長

食醫中士二人。

食有和齊藥之類。○和胡臥反齊才計反

疾醫中士八人。

瘍醫下士八人。

瘍，創癰也。○瘍音羊。割初良反。

獸醫下士四人。

獸，牛馬之類。

酒正中士四人。下士八人。府二人。史八人。胥八人。徒八十人。

酒正，酒官之長。

酒人奄十人。女酒三十人。奚三百人。

奄，精氣閉藏者，今謂之宦人。月令仲冬，其器闔以奄。女酒，女奴。曉酒者，古者從坐男女，没入縣官為奴，其少才知以為奚。今之

侍史官婢或曰奚宦女

漿人奄五人女漿十有五人奚百有五十人

女漿女奴曉漿者

凌人下士二人府二人史二人胥八人徒八十人

凌冰室也詩云二之日鑿冰沖沖三之日納于凌陰

籩人奄一人女籩十人奚二十人

竹曰籩女籩女奴之曉籩者

醯人奄一人女醯二十人奚四十人

醯豆實也不謂之豆此主醯豆不盡于醯也女醯女奴曉醯者○醯呼在反盡津忍反

醢人奄二人女醢二十人奚四十人

女醢女奴曉醢者○醢呼西反

鹽人奄二人女鹽二十人奚四十人

女鹽女奴曉鹽者

幕人奄一人女幕十人奚二十人

以巾覆物曰幕女幕女奴曉幕者○幕莫歷反

宮人中士四人下士八人府二人史四人胥八人徒八十人

掌舍下士四人府二人史四人徒四十人

舍行所解止之處○解佳賣反

一冢宰治官之屬

幕人下士一人。府二人。史二人。徒四十人。

幕帷覆上者。○幕武博反。

掌次下士四人。府四人。史二人。徒八十人。

次自修止之處。

大府下大夫二人。上士四人。下士八人。府四人。史八人。賈十有六

人。胥八人。徒八十人。

大府為王治藏之長。若今司農矣。

王府上士二人。中士四人。府一人。史二人。工八人。賈八人。胥四人。

徒四十有八人。

工能攻玉者。

內府中士二人。府一人。史二人。徒十人。

內府主良貨賄藏。在內者。○賄呼罪反。

外府中士二人。府一人。史二人。徒十人。

外府主泉藏在外者。

司會中大夫二人。下大夫四人。上士八人。中士十有六人。府四人。

史八人。胥五人。徒五十人。

會大計也。司會主天下之大計。計官之長。若今尚書。○會古外反。注同。尚音常。

司書上士二人。中士四人。府二人。史四人。徒八人。

司書主計
會之簿書

職內上士二人中士四人府四人史四人徒二十人

職內主入也若今之泉所
入謂之少內○少詩照反

職歲上士四人中士八人府四人史八人徒二十人

主歲計以歲斷
○斷丁亂反

職幣上士二人中士四人府二人史四人賈四人胥二人徒二十人

司裘中士二人下士四人府二人史四人徒四十人

掌皮下士四人府二人史四人徒四十人

內宰下大夫二人上士四人中士八人府四人史八人胥八人徒八十人

內宰宮中
官之長

內小臣奄上士四人史二人徒八人

奄稱士者
異其賢

閹人王宮每門四人囿游亦如之

閹人司昏晨以啓閉者刑人墨
者使守門囿御苑也游離宮也

寺人王之正內五人

寺之言侍也詩云寺
人孟子正內略寢

周禮

卷一 冢宰治官之屬

七

禮記

內豎倍寺人之數

豎未冠者之官名。○冠古亂反

九嬪

嬪婦也。昏義曰：古者天子后立六宮三夫人九嬪二十七世婦八十一御妻以聽天下之內治以明章婦順故天下內和而家理也不列夫人于此官者夫人之于后猶三公之於王坐而論婦禮無官職

世婦

不言數者君子不苟於色有婦德者克之無則闕

女御

昏義所謂御妻御猶進也侍也

女祝四人奚八人

女祝女奴曉祝事者

女史八人奚十有六人

女史女奴曉書者

典婦功中士二人下士四人府二人史四人工四人賈四人徒二十人

典主也典婦功者主婦人絲枲功官之長

典絲下士二人府二人史二人賈四人徒十有二人

典枲下士二人府二人史二人徒二十人

國禮

卷一 冢宰治官之屬

八

承傳堂

○泉絲里反

內司服奄一人女御二人奚八人四人封十昏二人

內司服主宮中裁縫官之長有女御者以衣服進或當於王廣其禮使無色過○縫戚奉容反徐扶用反

縫人奄二人女御八人女工八十人奚三十人

女工女奴曉裁縫者

染人下士二人府二人史二人徒二十人

追師下士二人府一人史二人工二人徒四人

追治玉石之名○追丁回反一曰雕

屨人下士二人府一人史一人工八人徒四人

夏采下士四人史一人徒四人

夏采夏翟羽色禹貢徐州貢夏翟之羽有虞氏以為綉後世或無故染鳥羽象而用之謂之夏采○夏戶雅反注同綉如誰反

周禮卷一終

周禮

卷一

冢宰治官之屬

九

承懷堂

大宰之職。掌建邦之六典。以佐王治邦國。一曰治典。以經邦國。以
 治官府。以紀萬民。二曰教典。以安邦國。以教官府。以擾萬民。三曰
 禮典。以和邦國。以統百官。以諧萬民。四曰政典。以平邦國。以正百
 官。以均萬民。五曰刑典。以詰邦國。以刑百官。以糾萬民。六曰事典。
 以富邦國。以任百官。以生萬民。

周禮卷二

大宰之職。掌建邦之六典。以佐王治邦國。一曰治典。以經邦國。以

治官府。以紀萬民。二曰教典。以安邦國。以教官府。以擾萬民。三曰

禮典。以和邦國。以統百官。以諧萬民。四曰政典。以平邦國。以正百

官。以均萬民。五曰刑典。以詰邦國。以刑百官。以糾萬民。六曰事典。

冢宰治官之職

大宰之職。掌建邦之六典。以佐王治邦國。一曰治典。以經邦國。以
 治官府。以紀萬民。二曰教典。以安邦國。以教官府。以擾萬民。三曰
 禮典。以和邦國。以統百官。以諧萬民。四曰政典。以平邦國。以正百
 官。以均萬民。五曰刑典。以詰邦國。以刑百官。以糾萬民。六曰事典。
 以富邦國。以任百官。以生萬民。

大曰邦小曰國邦之所居亦曰國典常也經也瀆也王謂之禮
 經常所秉以治天下也邦國官府謂之禮瀆常所守以為瀆式
 也常者其上下通名擾猶馴也統猶合也詰猶禁也書曰履作
 詳刑以詰四方任猶俸也生猶養也鄭司農云治典冢宰之職
 故立其官曰使帥其屬而掌邦治以佐王均邦國教典司徒之
 職故立其官曰使帥其屬而掌邦教以佐王安擾邦國禮典宗
 伯之職故立其官曰使帥其屬而掌邦禮以佐王和邦國政典
 司馬之職故立其官曰使帥其屬而掌邦政以佐王平邦國刑
 典司寇之職故立其官曰使帥其屬而掌邦禁以佐王刑邦國
 此三時皆有官唯冬無官又無司筮以三隅反之則事典司空
 之職也司空之篇亡小宰職曰六曰冬官
 其屬六十掌邦事○度待洛反俸側吏反

以八瀆治官府。一曰官屬以舉邦治。二曰官職以辨邦治。三曰官
 聯以會官治。四曰官常以聽官治。五曰官成以經邦治。六曰官瀆
 以正邦治。七曰官刑以糾邦治。八曰官計以弊邦治。

百官所居曰府弊斷也鄭司農云官屬謂六官其屬各六十若
 今博士大史大宰大祝大樂屬大常也小宰職曰以官府之六
 屬舉邦治一曰天官其屬六十是也官職謂六官之職小宰職
 曰以官府之六職辨邦治一曰治職二曰教職三曰禮職四曰
 政職五曰刑職六曰事職官聯謂國有大事一官不能獨共則
 六官共舉之聯讀為連古書連作聯聯謂連事通職相佐助也
 小宰職曰以官府之六聯合邦治一曰祭祀之聯事二曰賓客
 之聯事三曰喪荒之聯事四曰軍旅之聯事五曰田役之聯事
 六曰斂弛之聯事官常謂各自領其官之常職非連事通職勤
 共也官成謂官府之成事品式也小宰職曰以官府之八成經
 邦治一曰聽政役以比居二曰聽師田以簡稽三曰聽閭里以
 版圖四曰聽稱責以傅別五曰聽祿位以禮命六曰聽取予以
 書契七曰聽賣買以質劑八曰聽出入以要會官瀆謂職所至
 之瀆度官職主祭祀朝覲會同賓客者則皆自有其瀆度小宰
 職曰以瀆掌祭祀朝覲會同賓客之戒具官刑謂司刑所掌墨
 臬劓臯官臬則臬殺學也官計謂三年則大計羣吏之治而誅
 賞之玄謂官刑司寇之職五刑其四曰官刑上能糾職官計謂
 小宰之六計所以斷羣吏之治○瀆古法字斷丁亂反比毗志

反傳別音附下彼列反劑子隨反要於妙反朝直
遙反凡朝覲皆同舉古罪字劇魚莫反則音月

以八則治都鄙。一曰祭祀，以馭其神。二曰濩則以馭其官。三曰廢
置以馭其吏。四曰祿位，以馭其士。五曰賦貢，以馭其用。六曰禮俗，
以馭其民。七曰刑賞，以馭其威。八曰田役，以馭其衆。

都之所居曰鄙，則亦濩也。典濩則所用異，異其名也。都鄙，公卿
大夫之采邑。王子弟所食邑，周召毛聃畢原之屬在畿內者，祭
祀其先君社稷五祀。濩則其官之制度廢，猶退也。退其不能者，
舉賢而置之。祿，若今月奉也。位，爵次也。賦，口率出泉也。貢，功也。
九職之功所稅也。禮俗，昏姻喪紀舊所行也。鄭司農云：士謂學
士。○聃乃聃反。奉，符用反。率，徐劉音類。戚，音律。一音所律反。

以八柄詔王馭羣臣。一曰爵，以馭其貴。二曰祿，以馭其富。三曰子
以馭其幸。四曰置，以馭其行。五曰生，以馭其福。六曰奪，以馭其貧。

七曰廢，以馭其罪。八曰誅，以馭其過。

柄，所秉執以起事者也。詔，告也。助也。爵，謂公侯伯子男卿大夫
士也。詩云：誨爾序爵。言教王以賢否之第次也。班祿所以富臣
下。書曰：凡厥正人，既富方穀。華謂言行偶合於善，則有以賜予
之。以勸後也。生，猶養也。賢臣之老者，王有以養之。成王封伯禽
於魯，曰：生以養周公，死以爲周公後是也。五福，一曰壽，奪謂臣
有大罪，沒入家財者。六極，四曰貧，廢猶放也。舜殛鯀于羽山，是
也。誅，責讓也。曲禮曰：齒路馬有誅，凡言馭者，所以馭之內
之於善。○行下孟反。注同。殛，紀力反。鯀，古本反。馭，起俱反。

以八統詔王馭萬民。一曰親親，二曰敬故，三曰進賢，四曰使能，五
曰保庸，六曰尊貴，七曰達吏，八曰禮賓。

統，所以合率以等物也。親親，若堯親九族也。敬故，不慢舊也。晏
平仲久而敬之。賢，有善行也。能，多才藝者。保庸，安有功者。尊貴，
尊天下之貴者。孟子曰：天下之達尊者三，曰爵也，德也，齒也。祭
義曰：先王之所以治天下者五，貴有德，貴貴，貴老，敬長，慈幼，達

吏祭舉勤勞之小吏也禮賓賓客諸侯所以示民親仁善鄰

以九職任萬民。一曰三農。生九穀。二曰園圃。毓草木。三曰虞衡。作山澤之材。四曰藪牧。養蕃鳥獸。五曰百工。飭化八材。六曰商賈。阜通貨賄。七曰嬪婦。化治絲枲。八曰臣妾。聚斂疏材。九曰閭民。無常職。轉移執事。

任猶停也。鄭司農云。三農。平地山澤也。九穀。黍稷秫稻麻大小豆大小麥。八材。珠曰切。象曰瑩。玉曰琢。石曰磨。木曰刻。金曰鑠。華曰剝。羽曰析。閭民。謂無事業者。轉移為入執事。若今傭賃也。玄謂三農。原隰及平地。九穀。無林大麥而有梁。庶樹果。菽曰圃。園其樊也。虞衡。掌山澤之官。玉山澤之民者。澤無水曰藪。牧。田在遠郊。皆畜牧之地。行曰商。處曰賈。阜。盛也。金玉曰貨。布帛曰賄。嬪。婦人之美稱也。堯典曰。釐降二女。嬪于虞。臣妾。男女賁賤之稱。晉惠公卜懷公之生。曰。將生一男一女。男為人臣。女為人妾。生而各其男曰圉。女曰妾。及懷公質於秦。妾為宦女焉。疏材。百草根實可食者。疏不熟曰饑。○毓。古育字。飭。音勅。賈。音古。聞。音閑。秫。音述。為。人。于。偽。及。傭。音。容。賃。女。嬪。及。庶。音。瓜。菽。力。果。反。質。猪。二。反。

以九賦斂財賄。一曰邦中之賦。二曰四郊之賦。三曰郊甸之賦。四曰家削之賦。五曰邦縣之賦。六曰邦都之賦。七曰關市之賦。八曰山澤之賦。九曰幣餘之賦。

財。泉穀也。鄭司農云。邦中之賦。二十而稅一。各有差也。幣餘。百工之餘。玄謂賦。口率出泉也。今之算泉。民或謂之賦。此其舊名。與。鄉大夫以歲時登其夫家之眾寡。辨其可任者。國中自七尺以及六十。野自六尺以及六十有五。皆征之。遂師之職亦云。以徵其財。征皆謂此賦也。邦中。在城郭者。四郊。去國百里。邦甸。二百里。家削。三百里。邦縣。四百里。邦都。五百里。此平民也。關市。山澤。謂占會百物。幣餘。謂占賣國中之斥幣。皆未作當增賦者。若今賈人倍算矣。自邦中以至幣餘。各入其所有穀物。以當賦泉。

之數每處爲一書所待異也。○
削本亦作稍又作郇所教反

以九式均節財用。一曰祭祀之式。二曰賓客之式。三曰喪荒之式。四曰羞服之式。五曰工事之式。六曰幣帛之式。七曰芻秣之式。八曰匪頒之式。九曰好用之式。

式謂用財之節度荒凶年也。羞飲食之物也。工作器物者幣帛所以贈勞賓客者芻秣養牛馬禾穀也。鄭司農云匪分也。頒讀爲班布之班謂班賜也。玄謂王所分賜羣臣也。好用燕好所賜予。○好呼報反。勞力報反。

以九貢致邦國之用。一曰祀貢。二曰嬪貢。三曰器貢。四曰幣貢。五曰材貢。六曰貨貢。七曰服貢。八曰旂貢。九曰物貢。

嬪故書作賓。鄭司農云祀貢犧牲包茅之屬。貨貢皮帛之屬。器貢宗廟之器。幣貢繡帛材貢木材也。貨貢珠貝自然之物也。服

貢祭服。旂貢羽毛。物貢九州之外各以其所貴爲。鞞肅慎氏貢楛矢之屬是也。玄謂嬪貢絲枲器貢銀鐵石磬丹漆也。幣貢玉馬皮帛也。材貢楛榦栝籬篋也。貨貢金玉龜貝也。服貢絺紵也。旂讀如囿游之游。旂貢燕好珠璣琅玕也。物貢雜物魚鹽橘柚。嬪音賓。楛音戶。楛物倫反。榦古且反。籬西了反。鶩大黨反。琅音郎。玕音于。柚羊九反。一音羊受反。

以九兩繫邦國之民。一曰牧以地得民。二曰長以貴得民。三曰師以賢得民。四曰儒以道得民。五曰宗以族得民。六曰主以利得民。七曰吏以治得民。八曰友以任得民。九曰藪以富得民。

兩猶耦也。所以協耦萬民繫聯綴也。牧州長也。九州各有封域以居民也。長諸侯也。一邦之貴民所仰也。師諸侯師氏有德行以教民者。儒諸侯保氏有六藝以教民者。宗繼別爲大宗收族者。鄭司農云主謂公卿大夫世世食采不絕。民稅薄利之玄謂利讀如上。思利民之利謂以政教利之。吏小吏在鄉邑者。友謂同井相合耦。勸作者。孟子曰鄉田同井出入相友守望相助疾

病相扶持則百姓親睦數亦有虞掌其政令為之厲禁使其地
之民守其材物以時入于王府頒其餘於萬民富謂藪中材物
○行下孟
反翻音助

正月之吉始和布治于邦國都鄙乃縣治象之灋于象魏使萬民

觀治象挾日而斂之

正月周之正月吉謂朔日大宰以正月朔日布王治之事於天
下至正歲又書而縣于象魏振木鐸以徇之使萬民觀焉小宰
亦帥其屬而往者所以重治法新王事也凡治有故言始和者
若改造云爾鄭司農云象魏闕也故魯災季桓子御公立于象
魏之外命藏象魏曰舊章不可忘從
甲至甲謂之挾日凡十日○縣音玄

乃施典于邦國而建其牧立其監設其參傳其伍陳其殷置其輔

乃者更申勅之以侯伯有功德者加命作州長謂之牧所謂八
命作牧者監謂公侯伯子男各監一國書曰王啓監厥亂為民

參謂卿三人伍謂大夫五人鄭司農云殷治律輔為民之平也
玄謂殷眾也謂眾士也王制諸侯上士二十七人其中士下士
各居其上之三分輔府史庶人在官者○
參七南反傳戚音附監古銜反為于偽反

乃施則于都鄙而建其長立其兩設其伍陳其殷置其輔

長謂公卿大夫王子弟食采邑者兩謂兩卿不齊西出又下
言三卿者不足于諸侯鄭司農云兩謂兩丞三日傳事衆人

乃施法于官府而建其正立其貳設其攷陳其殷置其輔

正謂冢宰司徒宗伯司馬司寇司空也貳謂小宰小司徒小宗
伯小司馬小司寇小司空也考成也佐成事者謂宰夫鄉師肆
師軍司馬士師也
司空亡米聞其考

凡治以典待邦國之治以則待都鄙之治以灋待官府之治以官

成待萬民之治以禮待賓客之治

成，入成禮，實禮也。

祀五帝，則掌百官之誓戒，與其具修。

祀五帝，謂四郊及明堂。誓戒，要之以刑，重失禮也。明堂位所謂各揚其職，百官廢職，服大刑，是其辭之略也。具，所當共修。掃除糞酒，○要一遙。反，酒色賣反。

前期十日，帥執事而卜日，遂戒。

前期，前所諏之日也。十日，容散齊七日，致齊三日，執事。宗伯卜之屬，既卜，又戒百官以始齊。○諏，子須反。散齊，西但反。下側皆反。

及執事，眡滌濯。

執事，初為祭事。前祭日之夕，滌濯，謂灑祭器及甑，甑之屬。○眡，音視。本又作視。後皆同。漑，古愛反。戲，魚善反。徐音彥，一音言。本

又作甑，音歷。

及納亨，贊王牲事。

納亨，納牲將告殺，謂鄉祭之晨，既殺以授亨人。凡大祭祀，君親牽牲，大夫贊之。○亨，音庚反。鄉，許亮反。

及祀之日，贊玉幣爵之事。

日，且明也。玉幣，所以禮神。玉與幣各如其方之色。爵，所以獻齊酒，不用玉爵尚質也。三者執以從，王至而授之。○齊，才計反。

祀大神，示亦如之。

大神，祗謂天地。○示，本又作祗，音畿。

享先王亦如之，贊玉几玉爵。

玉几，所以依神。天子左，右玉几，宗廟獻用玉爵。

周禮

卷二

冢宰治官之職

七

宗廟

大朝觀會同贊玉幣玉獻玉几玉爵

助王受此四者時見曰會殷見曰同大會同或於春朝或於秋觀舉春秋則冬夏可知玉幣諸侯享幣也其合亦如小行人所合六幣云玉獻獻國珍異亦執玉以致之玉几王所依也立而設几優尊者玉爵王禮諸侯之酢爵王朝諸侯立依前南面其禮之於阼階上○見賢遍反下同朝直遙反下文同依於豈反本亦作宸

大喪贊贈玉含玉

助王為之也贈玉既窆所以送先王含玉死者口實天子以玉雜記曰含者執璧將命曰寡君使其某含則諸侯含以璧鄭司農云含玉璧琮○含本又作哈戶暗反後同窆波驗反琮才宗反

作大事則戒于百官贊王命

助王為教令春秋傳曰國之大事在祀與戎

王砥治朝則贊聽治

治朝在路門外群臣治事之朝王視之則助王平斷

砥四方之聽朝亦如之

謂王巡守在外時○守音符後巡狩皆放此

凡邦之小治則冢宰聽之待四方之賓客之小治

大事決於王小事冢宰傳平

歲終則令百官府各正其治受其會

正正處也會大計也

聽其致事而詔王廢置

冢宰

冢宰治官之職

冢宰

平其事來至者之功狀而奏白王

三歲則大計羣吏之治而誅賞之。

事久則聽之。大無功不徒廢必罪之。大有功不徒置必賞之。鄭司農云三載考績。

周禮卷二終

周禮卷三

漢大司農北海鄭玄註曰

後學東吳金小蟠訂

冢宰治官之職

小宰之職。掌建邦之官刑。以治王宮之政令。凡宮之糾禁。

杜子春云。宮皆當為官。玄謂宮刑。在王宮中者之刑。建。明布告之。糾。猶割也。察也。若今御史中丞。

掌邦之六典。八灋。八則之貳。以逆邦國都鄙官府之治。

逆。迎受之。鄭司農云。貳。副也。

執邦之九貢。九賦。九式之貳。以均財節邦用。

周禮

卷三

冢宰治官之職

八

承懷堂

以官府之六叙正羣吏。一曰以叙正其位。二曰以叙進其治。三曰以叙作其事。四曰以叙制其食。五曰以叙受其會。六曰以叙聽其情。

叙秩次也。謂先尊後卑也。治功狀也。食祿之多少。情爭訟之辭。

以官府之六屬舉邦治。一曰天官。其屬六十。掌邦治。大事則從其長。小事則專達。二曰地官。其屬六十。掌邦教。大事則從其長。小事則專達。三曰春官。其屬六十。掌邦禮。大事則從其長。小事則專達。四曰夏官。其屬六十。掌邦政。大事則從其長。小事則專達。五曰秋官。其屬六十。掌邦刑。大事則從其長。小事則專達。六曰冬官。其屬

六十。掌邦事。大事則從其長。小事則專達。

大事從其長。若庖人。內外饗與膳夫。共王之食。小事專達。若宮人。掌舍。各爲一官。六官之屬三百六十。象天地四時日月星辰之度數。天道備焉。前此者。成王作周官。其志有述天授位之義。故周公設官分職以灋之。

以官府之六職辨邦治。一曰治職。以平邦國。以均萬民。以節財用。二曰教職。以安邦國。以寧萬民。以懷賓客。三曰禮職。以和邦國。以諧萬民。以事鬼神。四曰政職。以服邦國。以正萬民。以聚百物。五曰刑職。以詰邦國。以糾萬民。以除盜賊。六曰事職。以富邦國。以養萬民。以生百物。

懷亦安也。賓客來。其其委積。所以安之。聚百物者。司馬主九畿。職方制其貢。各以其所有。積子賜反。

以官府之六聯合邦治。一曰祭祀之聯事。二曰賓客之聯事。三曰喪荒之聯事。四曰軍旅之聯事。五曰田役之聯事。六曰斂施之聯事。凡小事皆有聯。

鄭司農云。大祭祀。大宰贊玉幣。司徒奉牛牲。宗伯視滌濯。泣玉。鬯省牲。鑊奉玉盞。司馬羞魚牲。奉馬牲。司寇奉明火。火大喪。大宰贊。贈玉。舍玉。司徒帥六鄉之衆。庶屬其六。糾宗伯為上。相。司馬平士大夫。司寇前王。此所謂官職。杜子春施讀為施。玄謂荒政。弛力役。及國中貴者。服公事者。老者。疾者。皆舍。不以力役之事。奉牲者。其司空奉豕與。○鑊。戶郭反。盞。音容。屬音燭。糾。音引。相。息亮反。

以官府之八成經邦治。一曰聽政。後以比居。二曰聽師。田以簡稽。三曰聽閭。里以版圖。四曰聽稱。責以傅別。五曰聽祿。位以禮命。六

曰聽取。予以書契。七曰聽賣。買以質劑。八曰聽出入。以要會。

鄭司農云。政。謂軍政也。役。謂發兵起徒役也。比居。謂伍籍也。比地為伍。因內政寄軍令。以伍籍發軍起役者。平而無遺脫也。簡。稽士卒兵器簿書。簡。猶閱也。稽。猶計也。合也。合計其士之卒伍。閱其兵器。為之要簿也。故遂人職曰。稽其人民。簡其兵器。國語曰。黃池之會。吳陳其兵。皆官師擁鐸拱稽。版。戶籍。圖。地圖也。聽。人訟地者。以版圖決之。司書職曰。邦中之版。土地之圖。稱責謂貸。予。傅別。謂券書也。聽訟責者。以券書決之。傅。傅著約束於文。書。別。別為兩。兩家各得一也。禮命。謂九賜也。書契。符書也。質劑。謂市中平買。今時月平是也。要會。謂計最之簿書。月計曰要。歲計曰會。故宰夫職曰。歲終。則令羣吏正歲會。月終。則令正月要。傅別。故書作傅。辨。鄭大夫讀為符。別。杜子春讀為傅。別。玄謂政。謂賦也。凡其字或作政。或作正。或作征。以多言之。宜從征。如孟。子交征。利云。傅別。謂為大手書。于一札中。字別之。書契。謂出。予。受入之。凡要。凡簿。書之最目。獄訟之要辭。皆曰契。春秋傳曰。王。叔氏不能舉其契。質劑。謂兩書一札。同而別之。長曰質。短曰劑。傅別。質劑。皆今之券書也。事異。異其名耳。禮命。禮之九命之差。

等。○此毗志反傳音附別彼列反要會古外反著直略反賈音嫁月平劉音病

以聽官府之六計。弊羣吏之治。一曰廉善。二曰廉能。三曰廉敬。四曰廉正。五曰廉瀆。六曰廉辨。

聽。平治也。平治官府之計。有六事。弊。斷也。既斷以六事。又以廉為本。善。善其事。有辭譽也。能。政令行也。敬。不解于位也。正。行無傾邪也。瀆。守瀆不失也。辨。辨然不疑惑也。杜子春云。廉辨。或為廉端。○斷。丁亂反。

以瀆掌祭祀。朝覲會同賓客之戒具。軍旅田役喪荒亦如之。
瀆。謂其禮瀆也。戒具。戒官有事者所當共。

七事者。令百官府共其財用。治其施舍。聽其治訟。

七事。謂先四如之者三也。施。舍不給役者。七事。故書為小事。杜子春云。當為七事。書亦為七事。○共。音恭。禮本供事皆作共。

凡祭祀贊王幣爵之事。裸將之事。

又從大宰助王也。將。送也。裸。送。送裸。謂贊王酌鬱鬯以獻尸。謂之裸。裸之言灌也。明不為飲。主以祭祀。唯人道宗廟有裸。天地大神至尊。不裸。莫稱焉。凡鬱鬯。受祭之。啐之。奠之。○裸。古亂反。為合。偽反。啐。寸對反。

凡賓客贊裸。凡受爵之事。凡受幣之事。

唯裸助宗伯。其餘皆助大宰。王不酌賓客而有受酢。大宗伯職曰。大賓客。則攝而載裸。

喪荒受其含。綖。幣。玉之事。

春秋傳曰。口實曰含。衣服曰綖。凶荒有幣。玉者。賓客所賜委之禮。○綖。音遂。賙。音周。

月終。則以官府之叙。受羣吏之要。

主每月之小計。

贊冢宰受歲會歲終則令羣吏致事。

使齋歲盡文書來至若令上計。○齋子兮反上時掌反。

刑。正歲帥治官之屬而觀治象之灋。狗以木鐸曰不用灋者國有常

正歲謂夏之正月得四時之正以出教令者審也。古者將有新令必奮木鐸以警衆使明聽也。木鐸木舌也。文事奮木鐸武事奮金鐸。

乃退以宮刑憲禁于王宮。

憲謂表縣之若。今新有灋令云。

令于百官府曰各修乃職攷乃灋待乃事以聽王命其有不共則

國有大刑。

乃猶女也。

宰夫之職掌治朝之灋以正王及三公六卿大夫羣吏之位掌其

禁令。

治朝在路門之外其位司士掌焉。宰夫察其不如儀。○朝直遙反。

敘羣吏之治以待賓客之令諸臣之復萬民之逆。

恒次敘諸吏之職事三者之來則應使辨理之。鄭司農云復請也。逆迎受王命者宰夫主諸臣萬民之復逆故詩人重之曰家伯維宰玄謂復之言報也。反也。反報於王。謂於朝廷奏事自下而上曰逆逆謂上書。

掌百官府之徵令辨其八職。一曰正。掌官灋以治要。二曰師。掌官

周禮

卷三 冢宰治官之職

五

承讓堂

成以治凡。三曰司。掌官灋以治目。四曰旅。掌官常以治數。五曰府。掌官契以治藏。六曰史。掌官書以贊治。七曰胥。掌官敘以治敘。八曰徒。掌官令以徵令。

別異諸官之入職以備王之徵召所為正辟於治官則冢宰也治要若歲計也師辟小宰宰夫也治凡若月計也司辟上士中士治目若今日計也旅辟下士也治數每事多少異也治藏藏文書及器物贊治若今起文書草也治敘次序官中如今侍曹伍伯傳吏朝也徵令趨走給招呼○藏寸浪反注治藏同別彼列反辟音譬

掌治灋以致百官府羣都縣鄙之治乘其財用之出入凡失財用物辟名者以官刑詔冢宰而誅之其足用長財善物者賞之。

羣都諸采邑也六遂五百家為鄙五鄙為縣言縣鄙而六鄉州黨亦存焉乘猶計也財泉穀也用貨賄也物畜獸也辟名詐為

書以空作見文書與實不相應也官刑在司寇五刑第四者○辟名徐芳石反劉芳益反見賈遍反

以式灋掌祭祀之戒具與其薦羞從大宰而砥滌濯。

薦脯醢也羞庶羞內羞

凡禮事贊小宰比官府之具。

比按次之

凡朝覲會同賓客以牢禮之灋掌其牢禮委積膳獻飲食賓賜之殮牽與其陳數。

牢禮之灋多少之差及其時也三牲牛羊豕具為一牢委積謂牢米新芻給賓客道用也膳獻禽羞俶獻也飲食燕饗也鄭司農云殮夕食也春秋傳曰殮有陪鼎牽牲牢可牽而行者春秋傳曰陳牽竭矣玄謂殮客始至所致禮凡此禮陳數存可見者

唯有行人掌客及聘禮公食大夫、委積子賜反食音嗣叔昌六反

凡邦之弔事。掌其戒令。與其幣器財用。凡所共者。

弔事弔諸侯諸臣幣所用賻也。器所致明器也。凡喪始成弔而舍襚葬而賙贈其間加恩厚則有賻焉。春秋譏武氏子來求賻

音附

大喪小喪。掌小官之戒令。帥執事而治之。

大喪王后世子也。小喪夫人以下小官士也。其大官則冢宰掌其戒令治謂共辨

三公六卿之喪與職喪。帥官有司而治之。凡諸大夫之喪。使其旅

帥有司而治之。

旅冢宰下士

歲終。則令羣吏正歲會。月終。則令正月要。旬終。則令正日成。而以攷其治。治不以時舉者。以告而誅之。

歲終自周季冬正猶定也。旬十日也。治不時舉者謂違時令失期會

正歲。則以灋警戒羣吏。令修官中之職事。

警勅戒之言。鄭司農云。正歲之正。月以灋戒勅羣吏

書其能者。與其良者。而以告于上。

良尤善也。上謂小宰大宰也。鄭司農云。若今時舉孝廉賢良方正茂才異等

宮正。掌王宮之戒令。糾禁

糾猶割也。察也

以時比宮中之官府。次舍之衆寡。

時四時比按次其人之在否官府之在官中者若膳夫玉府內宰內史之屬次諸吏直宿若今部署諸廬者舍其所居寺

為之版以待。

鄭司農云為官府次舍之版圖也待待比也玄謂版其人之名籍待待戒令及比

夕擊柝而比之。

夕莫也莫行夜以比直宿者為其有解惰離部署鄭司農云柝戒守者所擊也易曰重門擊柝以待暴客春秋傳曰魯擊柝聞於邾○柝吐各反莫音暮行下孟反為于偽反解佳賣反重直龍反

國有故則令宿其比亦如之。

鄭司農云故謂既災令宿宿衛王宮春秋傳曰忘守必危况有災乎玄謂故凡非常也文王世子曰公有出疆之政庶子以公

族之無事者守於公宮正室守太廟諸父守貴宮貴室諸子諸孫守下宮下室此謂諸侯也王之庶子職掌國子之倅國有大事則帥國子而致於太子唯所用之者令宿之事益亦存焉○倅七內反

辨外內而時禁。

鄭司農云分別外人內人禁其非時出入○別彼列反

稽其功緒糾其德行。

稽尤考也計也功吏職也緒其志業○行下孟反

幾其出入均其稍食。

鄭司農云幾其出入若今時宮中有罪禁止不能出亦不得入及無引籍不得入宮司馬殿門也玄謂幾呵其衣服持操及疏數者稍食祿稟○數音朔稟彼錦反

禮

家宰治官之職

八

承讓堂

去其淫怠與其奇衰之民。

民宮中吏之家人也。淫放濫也。怠解慢也。奇衰譎。飢非常。○去起呂反。奇音羈。衰似嗟反。亦作邪。

會其什伍而教之道藝。

五人為伍。二伍為什。會之者使之輩作輩學。相勸帥。且寄宿衛之令。鄭司農云。道謂先王所以教道民者。藝謂禮樂射御書數。

月終則會其稍食。歲終則會其行事。

行事吏職也。

凡邦之大事。令于王宮之官府次舍。無去守而聽政令。

使其居其處待所為。

春秋以木鐸修火禁。

火星以春出。以秋入。因天時而以戒。

凡邦之事。蹕宮中廟中。則執燭。

鄭司農讀火絕之。云禁凡邦之事。蹕。國有事。王當出。則宮正上禁絕行者。若今時衛士填街蹕也。宮中廟中。則執燭。宮正主為王於宮中。廟中執燭。玄謂事祭事也。邦之祭社稷。七祀於宮中。祭先公先王於廟中。隸僕掌蹕。止行者。宮正則執燭。以為明。春秋傳曰。有大事於大廟。又曰。有事於武宮。○蹕音畢。填音田。

大喪則授廬舍。辨其親疏貴賤之居。

廬倚廬也。舍。室也。親者貴者居倚廬。疏者賤者居室。雜記曰。大夫居廬。士居室。

宮伯掌王宮之士。庶子凡在版者。

鄭司農云。庶子。宿衛之官。版。各籍也。以版為之。今時鄉戶籍謂之戶版。玄謂王宮之士。謂王宮中諸吏之適子也。庶子。其支庶。

也。○適
丁歷反

掌其政令行其秩敘作其徒役之事。

秩祿稟也。叙才等也。作徒役之事。天子所用。

授八次八舍之職事。

衛王宮者必居四角四中於微候便也。鄭司農云庶子衛王宮在內為次在外為舍。玄謂次其宿衛所在舍其休休之處。○微反古甲

若邦有大事作宮衆則令之。

謂王宮之士庶子於邦有大事或選當行


月終則均秩歲終則均敘以時頒其衣裘掌其誅賞。

頒讀為班。班布也。衣裘若今賦冬夏衣。

周禮卷三終

禮記

卷之三



唐

卷三

十

永懷堂

